

# Guangjisi Minzcu Bau

ganhhau: CN45-0036 B.2014 Nd.7 Ng.2 liggaueq gyapngux nienz ndwenloeg coloeg

广西民族报

(壮文版)

主办:广西区民语委

出版:广西民族报社

出版周期:逢星期三出版

出版期数:总第3130期

## Nanzningz Si Gyavaiq Fazcanj Gij Lijyouzyez Miz Daegsaek Minzcu

### 南宁市加快发展民族特色旅游业

Daj bineix daeuj, Nanzningz Si haenqrengz dajcaux aen lijyouz binjbaiz miz cwngzsi daegsaek, naemj dajcaux ok "fwenhaij Mbanjcuengh, singzheu Cungguk, miz Dunghmungz funghcingz" seiq aen binjbaiz miz gozci yingjyangliz neix, roengz cienz rengz guh aen singz lijyouz miz daegsaek de, cungfaen vatgud ndaw si neix roek aen yienh gij minzcuz vwnzva

swhyenz gig fungfouq de, caemsim dajcaux Mbanjcuengh minzcuz funghcingz lijyouz, doidoengh Nanzningz lijyouzyez ndaej bongh-yat fazcanj baenaj.

Ndawde, Vujmingz Yen haenqrengz dajcaux baenz gizdieg guh Cungguk Mbanjcuengh vwnzva swnghdai youqndwi lijyouz. Lungzanh Yen dajcaux "naz" vwnzva binjbaiz. Binhyangz Yen guh hung

guh giengz fouxlungzbauq mbaw baiz hung minzsuz vwnzva lijyouz neix. Majsanh Yen daihlig fazcanj swnghdai lijyouz nem minzcuz funghcingz lijyouz. Sanglinz Yen cug mbaek dajyiengj Sanglinz ciengxndang binjbaiz. Hwngzyen haeuj laeg bae vatgud vwnzva vamaedlaeh, dajcaux diuz roen miz doenghyiengh maenhndei.

(Veiz Yenzfuz/韦元福)

### SIUSIK DINJ

#### 简讯

● 6 nyied 28 hauh, liggaueq dwg loeg nyied co'ngaih, Yungz-suij Myauzcuz Swciyen Bwzyinz Yangh Baujgyangh Mbanjduncuz gawjbanh cietlauzbya, geij bak boux beixnuengx saujsu minzcuz daj mbanj doxgyawj daeuj de youq ndaw dah'iq lumh bya, doxdued bya, doxgonh raemx, nauhyied vuenyungz raixcaix.

(Lungz Linzci)

● 5 nyied daej, Vanzgyangh Mauznanzcuz Swciyen bonj sawson vwnzva minzcuz dangdieg 《Funghcingz Mauznanz Hom Doh Vanzgyangh》 okbanj fathengz lo, daengx bonj saw gungh 10 fanh cih saw. Aen yienh neix minzcuzgiz roengz 18 fanh maenz, okbanj 15000 bonj. Bonj saw neix dwg sawson vwnzva minzcuz dangdieg, yaek youq ndaw yienh cungh siuj yozyau sawjyung.

(Veiz Vwnjbangh)

● 6 yied 27 hauh, Sangswih Yen ciuhai minzcuz mouyi canjbinj giyez codanzvei. Aen yienh neix daj 2011 nienz daej heijguh hong sinhbau minzcuz mouyi canjbinj giyez, dangqnaj gaeng dindh 22 aen, ndawde miz aen ndeu dwg minzcuz canjbinj giyez. Sam bi daeuj, gij giyez neix gungh ndaej boujdiep doenghgij leihsik daigvanj 3296 fanh maenz.

(Cinz Haijcing Lij Yiyungj)

● Gaenh bi daeuj, Ningzmingz Yen yawjnaek au lai cungj fuengsik doiq doenghboux caengz rim cibbet bi de guh gohbuji gyauyuz hozdung. Daengz 4 nyied 18 hauh, daengx yienh laeb le lajmbanj byauhcuji saunenzgungh 2 aen, saunenz ginhau aen ndeu. Bineix 1 daengz 3 nyied, aen yienh neix cungh siuj yozyau guh gak cungj gohbuji hozdung 80 lai baez, 4 fanh lai hagseng camgya.

(Cauh Yizganh Vangz Gvanginh)

● Geij ngoenz gonq, Yungzanh Yen bineix gij hong ranz giswng camgya sinhhingz nungzcunh hozcoz yihliuz de gaeng guh sat lo, miz 7729 hoh 22417 vnz mbouj hoj gyau cienz hix ndaej camgya. Ciuq cam rox, 8 bi neix, aen yienh neix gungh miz 13.0912 fanh vnzbaez souh'ik.

(Veiz Cujswz Cangh Siulanz)

### Sangswih: Minzcuz Gyauyuz Youh Miz Saehndei

#### 上思: 民族教育再传喜讯



6 nyied 26 hauh, Sangswih Yen minzcuz gyauyuz youh miz saehndei lo. Bineix gauhgauj, Sangswih Cunghyoz saujsu minzcuz gauhcungh ban-lwgmbwk 50 boux hagseng gauj ndaej hwnj liux, ndawde 39 boux faensoq hwnj bwnjgoh, 11 boux faensoq hwnj conhgoh. Ciuq cam rox, daj 2012 nienz daeuj, youz yienh cwngfuj nem doenghboux gyaenz coengh vnz de bangcoengh, aen yienh neix dingzilai lwgmbwk Yauzcuz daj siujyoz daengz gauhcungh ndaej cienzbouh mienxfei q doeg. Dangqnaj, aen yienh neix doenghboux lwgmbwk Yauzcuz gauj ndaej hwnj cundeng dayoz de yied daeuj yied lai. Ndaw doz dwg doenghboux lwgmbwk Yauzcuz cingq hwnjdangz.

(Liengz Fuyingz/梁富盈 ingj)

## Nanzdanh Yen Roengz Ik Lai Maenz Guh Minzcuz Yangh Yanghing Hanghmoeg

### 南丹县投入1亿多元建设民族乡乡庆项目

Bineix, dwg bi Nanzdanh Yen Lijhu Yauzcuz Yangh, Bazhih Yauzcuz Yangh laebbaenz 30 hopbi de. Vih guh ndei hong guh minzcuz yangh yanghing, aen yienh neix yienhvej, yienh cwngfuj cizgiz fazcanj yanghing hanghmoeg. Ciuq gyoepsuenq, daj bi'gvaq daeuj, aen yienh neix doenggvaq lai cungj fuengsik comz cienzngaenz, cujiz saedhengz Lijhu, Bazhih song aen

minzcuz yangh neix yanghing hanghmoeg. Aen yienh neix daj-suenq roengz 1.6059 ik maenz, gaeng lozsiz cienzngaenz 1.4074 ik maenz, gaeng guh sat roengzcienz 1.1262 ik maenz, ndawde gij bumwnz baihgwnz roengz 8215 fanh maenz, yienh caizcwnz roengz 2368 fanh maenz, vnzlai gag comz ndaej le roengz 678 fanh maenz. Saedhengz gij hanghmoeg neix, cundeng guh

ndawsingz lajmbanj yienghsiengq gajndei, minzcuz vwnzva cunghab gvancangz, gyauyuz, veiswng, raemx, dien, roen daengj gihcuji sezsih gensez nem fazcanj daegsaek canjyiez daengj. Guh gij hanghmoeg neix, mizyauq dwk gajndei minzcuz yangh gij gihcuji sezsih, hawj minzcuz yangh gak minzcuz ginzcong ndaej souh'ik dahraix.

(Yangz Caijyenz/杨彩元)